



Qasigiannuit 22. november 2006

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpunga:

Qasigiannuani, Qeqertarsuarmi Kangaatsiamilu angallannikkut ajornartorsiutaasut decemberimi januarimilu aaqqiiviginiarlugit imaatigut angalasinnaanissaq qulakkeerniarlugu Naalakkersuisut pilersaaruteqarpat?

(Inatsisartunut ilaasortaq Kristian Jeremiassen, ATASSUT)

Tunngavilersuut:

Januar 2006-imi angallasseriaatsip allanngortinneqarnerata kingorna kingunipilui ajortut suli takkussuupput. Periarfissat ajortippat ajortii villutik Qasigiannuani, Qeqertarsuarmi Kangaatsiamilu innuttaasunut.

Novemberi naappat umiarsuaaraqassaarpasit Qasigiannuani, Qeqertarsuarmi Kangaatsiamilu juullisioriarniaraanni tassa kisiat timmisartoq periarfissaalerpoq. Air Greenland-illi timmisartuuttaleramitigut akit qaffannikuupput, SIK malillugu akissarsialinnut ilinniartunullu aki unammiuminaaqaaq.

Illoqarfinnut Qasigiannuani, Qeqertarsuarmi Kangaatsiamilu juullisioriarniartut mattunneqarput amerlasuut akia qaffasippallaaqimmat timmisartumik, taamaattumik Naalakkersuisut aperissavakka decemberimi januarillu aallartinnerani umiarsuaaqqamik "Disco Line" angalasinnaanerat Naalakkersuisut sulipallannerisigut ammaanpeqarsinnaava?

Oqaatigissavara ilinniartut juullisioriarnissaminnut amerlasuut nammineq akiliissallutik akissaqartinngimmassuk, taamaattumik uagut politikerit ilinniaqqusivugut periarfissaqartittariaqarpagut mattunnagit. Juulli aningaasartorfiuvoq nuannisarfiullunilu, akissaatikinnerit eqqarsaatigalugit periarfissittariaqarpagut umiarsuaaqqamik ilaaffigisinnaasaannik.

Assersuutigilara Ilulissaniit Qasigiannguanut siumut uterlugulu 2000,-Kr.-it sinnerlugit akeqarpoq, amerlasuunillu tamanna akissaqarfigineqanngilaq, taamaammat Naalakkersuisut manna iluatsillugu kaammattorpakka suliniuteqapallassasut innuttaasut akissaatikinnerit periarfissaannik ammaassivigeqqullugit, taamaaliornikkut innuttaasut akissaatikinnerit ilaquuttatik juullimi najorsinnaanissaannut periarfissaqarnerunissaat qulakkeerneqarsinnaaqqullugu.

Piaarnerpaamik akineqarnissara kissaatigivara. Akissutillu ukununnga nassiuteqquneqarput:
krje@gh.gl aammalu landsting@gh.gl

Inussiarnersumik inuulluaqqusillunga

Kristian Jeremiassen

Inatsisartunut ilaasortaq (A)